

مسکن شمس

سر ۱۳۳۰

والله يهدي من يشاء الى صراط مستقيم ديني ، علمي ، ادبي ، سياسي هفتعلق مجموعه اسلاميه در
اتبعون اهدكم سبيل الرشاد

صاحب و مدير مسئول : ح . اشرف اريب

بنفارسنامه مطبوعاتی :

صوفیه ده انتشار ایدن غزته لر چناق قلعه بومباردمانی حقنده آتیده کی مطالعه لده بولنیورلر :

« چناق قلعه بومباردمانك بورداده حصوله کتیردیکی شدتلی تأثرات ، بومباردمانك علی العادم برنایشدن عبارت اولدیینی وایتالیا دونانمانك ساحلین اوزاقلاشدینی آکلاشیلیمی اوزرینه بوسوتون زائل اولشدر . ایتالیا نلرک چناق قلعه دن هر حالده کچه جکالرینه ذاهب اولان ماکدونیا محافل ، آنلرک اورادن کچه مدکارینی کورنجه آلداندقلمی آکلامشدر . چناق قلعه مدخلنده کی استحکاملرک بومباردمانی ، کرک احوال حربیه ، کرکسه بالفان احوالی اوزرنده هیچ برتبدل حصوله کتیریه جکی فکری حال حاضرده محافل سیاسیه ده غالب کلکده در . »

رابطه دینه نك اهمیتی

محاربه بی سوق واداره ایدن اسباب معنویه ، سرلوحه سی التنده طنین رفیقمز ۱۳۰۶ نومرولو نسخه سنده شو مطالعاتده بولونیور : طرابلس مجاهدلری ، ایتالیانک یالکز مملکتلرینه ، عثمانیه دکل ، اسلامیه ده تعدی ایتدیکی فکرنده درلر . بونک ایچون حربیه منحصرأ عثمانلیلک ووطنک محافظه سی ایچون دکل ، بلکه دها زیاده حسیات مقدسه دینه نك سوقیه آتیلورلر . صحنه حربیه لسانلری ذکر وتهلل ایله مشغول : قلبلری دین عشق ، الله وپیغمبر عشق ، بوتون مقدسات عشق ایله مشغودر طرابلس غربیلره عثمانلیلقدن بحث ایدنجه اولر « اسلامیتی ، خلیفه و سلطانی » آکلر

طرابلس غربیلر حکومتیه بلکه آناتولی اهلپسندن زیاده مطیعدر دینه بیلر . . . فقط بوتون بوطاعتلرنده ، تسلیمیتنده طرابلس غربلی هرشیدن اول « اسلامیتی ، خلیفه و سلطانی » دوشونور واونامه بویون آکر . ایشته بو اسبابک سوقیه درکه طرابلس غرب اهلپسی ایتالیایی بوتون مقدسات وجدانیه سنه ، خلافت و دینه تعدی ایتش عد ایدیور وهرشیدن اول بونام وحسابه مجاهده لرنده دوام ایلورلر .

یالکز طرابلس غرب اهلپسی ؟ بوتون آفریقا ممالک اسلامیه سی ، بوتون عالم اسلامیت ده عینی حمله متعسس ، عینی تأثیرله مضطربدر . بوکا قناعت که تیرمک ایچون طرابلس غرب صحنه حربیه و مجاهدلره باقق کافی در . بوکون اوراده ، دشمنله فداکارانه چارپشان مجاهدین آراسته آیلرجه یولار قطع ایدرک وبرجوق مشقتلر چکیرک کلش برجوق اسلام وارددر

افغانستانده انتباه

فاس وایرانک اخیراً دوچار اولدینی عاقبت الیمه دن افغانستانک عبرت آله رق بر انتباه سیاسی اثری کوسترمکده اولدینی حقنده (فوسیشه چایتونف) غزته سی طرفندن بعض معلومات ویرلش اولدینی آرانس تلغرافنامه لری بیان ایلش ایدی . (فوسیشه چایتونف) غزته سنک پوسته ایله وارد اولان صوک نسخه سنده بوبابده تفصیلات آتیه کورلمشدر :

« افغانستان امیری اثر انتباه وحرکت کوستریور . مشار الیه کاشانده و عالم سیاستده نه کبی احوال جریان ایلدیکی حقنده طوغریدن طوغریه معلومات المی ایچون لازم کلن تدابیریه توسل ایلشدر . شمدیه قدر افغان امیری ایرانه انگلیز گوزلکیله باقیور ایدی . امیر آرتق بوکوزلکی کافی کورمور . آسیاده وباخصوص افغانستان

جوارنده صوک زمانلرده انقلابات عظیمه وقوع بولدی . قوجه چین دولتی جمهوریه منقلب اولدی . تبت ایله مغواستان بین الملل سیاستک آنافورینه کیرمک اوزره بولنیور . ایران بوسیاستک آقندیسنه بستیون قاپیلیم اوزره بولندیفندن محو وغرق اولسنه برشی قالمشدر . بناء علیه افغانستانک احوال ووقوعات جهانیه لایقینه وقوف کسب ایدوب ایرانک آرقه سندن چاه انقراض ومحوه کیتیمک ایچون تدابیر لازمه اتخاذ ایلسنک وقتی کلشدر . (قاکوته) دن لوندزه غزته لرینه اشعار اولندیفنه نظراً افغانستان امیری وقوعات خارجیه یه کسب اطلاع ایتک اوزره مستقلاً براستطلاعات دائره سی تشکیل ایلشدر . بودآره ارکانی ممالک عثمانیه ایله ایران وهندستانده طولاشه جقلردر .

امیرک برادرلردن نصراء خان (آسمار) جوارنده ساکن (موخاند) قبائلنک اراضیسی افغانستانه الحاق ایچون قبائل مذکوره رؤسایله مذاکراتده بولنمقده در . ۱۹۰۷ سنه سنده انکتره ایله روسیه آره سنده آسیای وسطی حقنده عقد اولسان وایرانک باعث فلا کتی اولان معاهده مذکوره ایران وافغانستانک بقاسنه برنهایت ویرمک مقصدیه عقد ایلشدر . معاهده مذکوره نك عقدنده ایرانک اصلا رأی وفکری التمامش اولدقدن بشقه بومعاهده برقاچ هفته مقدم جبراً وقهرأ ایران حکومتیه تصدیق ایتدیرلشدر .

معاهده مذکوره ده افغانستان حقنده دخ بر ماده مهمه وارددر . شوقدروارکه بوماده نك تطبیق ایدسی انکتره حکومتی طرفندن ماده مذکورنك افغانستان امیریه قبول وتصدیق ایتدیرلسنه وامیرک تصدیق انکتره حکومتی طرفندن روسیه حکومتیه تبلیغ اولسنه وابسته در . بوندن مقدم ماده مذکوره موقع فعله قونیله میه جقدر . افغانستان امیرنك بوماده یی تصدیق ایلدیکی وبونک انکتره طرفندن روسیه تبلیغ ایلدیکی حقنده هنوز قطعی معلومات آنه مامشدر . مع هذا بو تصدیق واقع اولش اولسی پک محتملدر . چونکه ماده مذکوره نك ظاهریسی روسیه ایله انکتره نك افغانستانه قارشى نه کبی وضعیتده بولنه جقلرینه منحصر کیدر . ذاتاً افغانستان امیرنك روسیه ایله انکتره آره سنده اولان خصوصی برایشه قارشى مخالفت ومقاومته بولنسی قابل دکلدر . بناء علیه امیر بوماده دن اولجه اندیشه نك اولامشدر . فقط اخیراً ایرانک باشنه کلن فلاکت عظیمه افغانستان امیرنی فنا حالده تدهیش ایلشدر . روسیه - انکتره معاهده سنک متنده ایران طوقونور بر ماده یوق کبی ایدی . حتی معاهده مذکوره ده ایران دولتک تمامیت ملکیه واستقلالیتی حقنده تأمینات بیله ویرلش ایدی . صوک وقتلرده بوتأمیناتک قوری واساسس برشی اولدیغی ایران پک آجی تجربه ایلدی .

شمدی افغانستان امیری مملکتنک باشنه ایرانه کلن فلاکتک کله سی اسبابی استحضاره چایشور . امیرک بوتدابیری کندیسنک غایت عاقل ودوراندیش اولدیغی ارئه واثبات ایدیور . افغانستان امیری انگلیز حکومت هندیه سندن هرسنه آلدینی تخصیصات عظیمه یه مقابل ممالک اجنبیه ده سفیر بولندرمافی تعهد ایلشدر . شمدیه قدر افغانستان حکومتی ممالک اجنبیه ایله مناسبات ومعاملاتی انکتره حکومتی واسطه سیله اجرا ایدیور ایدی . بشقه دولتلر دخی انکتره واسطه سیله افغانستان ایله مناسبات ومعاملاتده بولنیورلر . ایشته بوندن طولایی افغانستان حکومتنک شمدیه قدر خارجده بر پنجره یه مالک ایدی که اودخی انگلیز حکومت هندیه سی ایدی . یوقاروده درج ایلدیکنز تلغرافنامه افغانستان حکومتک مذکور حاله برنهایت ویردیکنی اثبات ایلشدر . طبیعی امیر انسان استخبارات ایچون ممالک اجنبیه یه غیر رسمی مأمورلر کوندزه جکدر .

افغانستان امیرنك استخبارات مأمورلرینی ایلک ایران وترکیه یه کوندرسی زیاده سیله معینداردر . . امیرک بو قراری دیگر ممالک اسلامیه نك افکارینه کسب اطلاع ایتک ایستدیکنه دلالت ایتکده در . افغانستان حکومتنک هندستان انگلیزی حدودنده کی عشایرک اراضیسی افغانستان ملکنه الحاق ایچون مذاکراتده بولنسی امیرک انکتره یه قارشى احتیاطلی بولنق فکرنده بولندیفنه دلالت ایتکده در .